

# Sedmero mrtvih u libijskom kampu

7 februar 2012 Izmijenjeno 07:36 CET

## Ubistva u izbjegličkom kampu vrhunac su napada na crne Libijce



Huda Bel-Eid je pogođena u nogu dok je pomagala bratu [Reuters]

Naoružani napadači ubili su sedmero libijskih izbjeglica u kampu u predgrađu Tripolija, potvrdili su izvori iz lokalne bolnice. Napadači su došli do ulaza improviziranog naselja rekavši da žele uhapsiti mladiće, te otvorili vatru čim su se ljudi skupili da protestiraju zbog njihovog dolaska. "Muškarci su došli iz Misrate oko deset sati. Znali smo da su iz Misrate jer im je to pisalo na automobilima", rekla je stanovnica kampa Huda Bel-Eid. "Njih petnaest je počelo pucati na nas. Žene su pobjegle ali su mladići ostali. Moj brat je bio tu i pogođen je u vrat, a ja u nogu", dodala je.

Zvaničnici iz Vojnog vijeća Misrata su zaniijekali umiješanost.

Stanovnici kampa, crni Libijci iz grada Tawergha, kažu da ih se napada zbog optužbi za saradnju sa Muammarom Gaddafijem za vrijeme revolucije. Za mnoge se također pogrešno misli da su afrički plaćenici koji su se borili za Gaddafija. Abdelhafid Suleiman, šef vojnog vijeća Janzour, rekao je Reutersu da je grupa iz Tawergha kampa kasnije izašla na ulice da protestuje.

### Gaddafijevi taoci

Rekao je da je čak i više nasilja izbilo kada su borci iz Janzoura, koji su bili tu da osiguraju ulice, pokušali demonstrantima oduzeti noževe i palice. Gaddafijeve snage su koristile Tawerghu kao bazu za bombardovanje priobalnog grada Misrate za vrijeme trajanja građanskog rata. Stanovnici tvrde da su ih Gaddafijeve snage držale kao taoce i da nisu sudjelovali u napadima. Nekada je tu živjelo skoro 30,000 ljudi. Sada praktično nema nikoga.

Izvor: Al Jazeera